

# AWIG-AWIG



DESA : SEBATU  
KECAMATAN : TEGALLALANG  
KABUPATEN : GIANYAR

P I D A G I N G

MAKA BANTANG AWIG-AWIG DESA ADAT SEBATU

MURDDHA - CITTA

	WIDANG
PRATHAMA SARGAH ARAN LAN WAWIDANGAN DESA	1
DWITTYA SARGAH PATITIS LAN PAMIKUKUH	2
TRITTYA SARGAH SUKERTA TATA PAKRAMAN	2
Palet 1 Indik Krana .....	2
Palet 2 Indik Prajuru / Dulun Desa.....	5
Palet 3 Indik Kukul .....	6
Palet 4 Indik Paruman .....	7
Palet 5 Indik Druwen Desa .....	9
Palet 6 Sukerta Pamitegep .....	10
Kaping 1 Karang, tegal lan carik ...	10
Kaping 2 Pepayonan .....	10
Kaping 3 Wewangunan .....	11
Kaping 4 Wewalungan .....	11
Kaping 5 Bhaya .....	12
Kaping 6 Panyanggran Banjar .....	13
KEWURTAS SARGAH SUKERTA TATA AGAMA	
Palet 1 Indik Dewa Yadnya .....	13
Palet 2 Indik Resi Yadnya .....	17
Palet 3 Indik Pitra Yadnya .....	17
Palet 4 Indik Manusa Yadnya .....	21
Palet 5 Indik Bhuta Yadnya .....	21
WENCAMA SARGAH SUKERTA TATA PAWONGAN	
Palet 1 Indik Pawiwahan .....	22
Palet 2 Indik Nyapian .....	24
Palet 3 Indik Sentana .....	25
Palet 4 Indik Warisan .....	27
WIT SARGAH WICARA LAN PAMIDANDA	
Palet 1 Indik Wicara .....	29
Palet 2 Indik Pamidanda .....	29
WAPTAMA SARGAH NGUWAH-NGUWUHIN AWIG - AWIG	30
WASTAMA SARGAH S A M A P T A	31

MURDHA CITTA

AUM, OM

Om Swastyastu, Om Awighnamastu Nama Siddham,

Malarapan panghyangning Ida Sang Hyang Widhi Wasa, seung kerta  
ngreha ngawentenang kahuripan sakala niskala, ring Bhuwana Agung  
lan Bhuwana Alit. Manut dresta desane wantah pawakan pasayuban Krama  
Desa rawuhing kula warga pawonganya. Desane kamanggehang Bhuwana  
Agung, pawonganya sowang-sowang pinaka Bhuwana Alit.

Sotanin Bhuwana Agung desane wantah pawakan Bhuwa masrip,  
pangtep saha Tri Hita Karananya, luwire :

- aa. Parhyangan, sahananing kahyangan, panyiwian desa genah  
ngarcana Ida Hyang Parama wiseasa, maka jiwaan desane.
- ba. Pawongan, krama saha warga desa maka sami pawakan Bayu  
Pramana (Tri Kaya) mawinan desane sida molah maprawerti.
- ca. Palemahan, tanah kakuwuban desa, sinanggeh etula sariraning  
desane.

Adung patemon bhuwana kalih, larapan santa jagadhita, sinanggeh  
murdhaning prayojana pangriptaning Awig-awig Desa Pakraman ring  
saha krama Desa Adat Sebatu.

Pamutus sabha inucap pinaka sepat siku-siku pamatut , waktu  
prasida prayojanan mami kabeh prasama anghidep muwah amagehaken kadi  
linging Awig-awig iki.

PRATHAMA SARGAH

ARAN LAN WAWIDANGAN DESA

Pawos 1

(1) Desa Adat Puniki mawasta Desa Adat Sebatu.

(2) Jebat kakuwub wawidangannya mawates nyatur :

- aa. Sisih Wetan ring Desa Adat Calo;
- ba. Sisih Kulon ring Desa Adat Telepud;
- ca. Sisih Lor ring Desa Adat Jasan;
- ra. Sisih Kidul ring Desa Adat Bayad;

(3) Desa puniki kawangun antuk karang ayahan Desa lan karang  
gunakaya wantah tunggil banjar kasanggra olih 4 (petang) saya  
arahan minakadi :

- aa. Saya arahan Desa;
- ba. Saya arahan Banjar Karang;
- ca. Saya arahan Banjar Patus;
- ra. Saya arahan Subak.

DWITYA SARGAH.....

DWITYA SARGAH

PATITIS LAN PAMIKUKUH

Pawos 2

Desa Adat Sebata ngamanggehang pamikukuh minakadi :

- ba. P a n c a s i l a ;
- na. Undang-undang Dasar 1945 pamekas Pasal 18;
- ca. Perda Propinsi Daerah Tingkat I Bali No. 06 Tahun 1986;
- ra. Tri Hita Karana manut esda cara Agama Hindu.

Pawos 3

Luwir Patitis Desa Adat Sebata:

- ba. ngukuhang miwah ngrajegang Sang Hyang Agama;
- na. nginggilang tata Prawertine maagama;
- ca. ngrajegang kasukertan Desa saha Pawongannya sakala lawan niskala.

TRITYA SARGAH

SUKERTA TATA PAKRAMAN

Palet 1

Indik Krama

Pawos 4

- (1) Sane kabawos Krama Desa inggih punika kulswarga sane maagama Hindu saha ngamong karang utawi Jenek mapaumahan ring sawidangan Desa Adat Sebata.
- (2) Sajaba punika sinanggeh tamiyu, sane kabinayang dados kalih inggih punika sane maagama Hindu, miwah siwosan ring maagama Hindu.
- (3) Indik Tamiyu punika manut pararem.

Pawos 5

Krama Desa wenten 4 (petang) pawos, luwire :

- ba. krama ngarep, kula warga sane ngamong karang, utawi manut pararem;

na. krama.....

- ca. krama Banjar Patus/pangele kulawarga sane nenten ngamong karang nanging sampun mawiwaha;
- ca. krama balu, krama sane katinggal seda olih lanang utawi istri nyane, utawi sangkaning nyapihan krama balu inucap kabinayang dados :
  1. Balu makrambian, inggih punika balu sane maduwe sentana dereng marabian utawi dereng antes ngayah.
  2. Balu ngalisting, inggih punika balu sane tanpa sentana.
- ra. krama-tapukan, kulawarga manut aksara ha utawi na ring ajeng sakewanten durung antes ngayah utawi salami kantun masekolah malarapan ilikita pastika saking sekolahnya, manut pararem.

Pawos 6

Ngawit dados Krama Desa :

- ba. Sangkaning ngamong karang, Jenek mapaumahan utawi manut pararem;
- ca. mawiwit pawiwahan.

Pawos 7

Pamaya tedun makrama Desa:

- ba. ngantos 3 (tigang) rahina mawiwit pawiwahan;
- ca. Jenek mapaumahan, manut pararem.

Pawos 8

Sehanan Krama Desa keni tategenan luwire :

- ba. ayah ngarep, mapiteges urunan miwah ayahan mamungkul;
- ca. ayah banjar patus/pangele, mapiteges urunan sykadi krama ngarep sajawanin yadnya nangluk ring cegara;
- ca. ayah balu, ayah miwah urunannya manut kahanan balu inucap;
- ra. ayah tapukan, keni urunan mamungkul.  
kaluputang ayah-ayahan, ngantos mayusa 17 wusa, utawi sampun mawiwaha. Yaning kantun masekolah, taler kaluputang ayah-ayahnya, malarapan ilikita pastika saking sekolahnya manut pararem.
- ca. prade rikalaning ngayah wenten sinalih tunggil Krama matilar tanpa sadok sadereng puput karya, wenang Krama inucap keni pamidanda manut pararem, tanjek laler kawastanin.

Pawos 9

Seadharman Krama, sewosan ring tategenan, luwire :

- ba. Tinut saturut ring sadaging Awig-awig, pararem lan paswasaran Desa;
- ca. Tan maren ngutsahayang mangda Desane mrasidhayang nyujur manut patitis;
- ca. Tinut saturut ring Guru Wisesa.

Pawos 10

Sadharmen Tamiyu, luwire :

- na. Tinut, saturut ring yasa kertin Desane;
- na. Tan piwal ring sadaging Awig-awig, pararem lan paswaran Desa;
- na. Nyadokang raga ring Prajuru arahina sasangun jumenek malarapan antuk ilikita pastika saking desane utawi sang ngawawenang;
- na. Yan tan tinut pacang kairid (tan kadadosang jumenek ring Desa.

Pawos 11

Pilih-olihan Krama :

- na. Polih pasayuban sakala niskala tur kabawosin saha katiwakin pamutus bahanan wicaranya;
- na. Nyarengin paruman tur wenang sareng mastikayang pamutus;
- na. Kadadosang madeg Prajuru, manut pararem.

Pawos 12

Krama Desa Adat kadadosang :

- na. mapoangkid utawi tan tedun :
  - 1) rikala mapawangun ngeraabin, mayadnya, matepetin rare, sungkan kaluasan, lan siosan punika;
  - 2) kengin tempo wantah apisan, sajawanin wenten wak-wakan saking Prajuru Desa.
- na. nyada, mapiteges ngamademang ayah, risampun mayusa 70 waraa sajawanin sungkan-sungkunan, tur tan dados nyuksukin, sang nyada mangda digelis nyantenang panyeledihi manut pararem;
- na. nyade, utawi nyuksukin, sane kawenangang risampun manggeh deha-teruna utawi mrasidayang nganutin krama;
- na. nutug ayah antuk arta brana sajawanin desa ayah saantukan kapialang utawi ngentos ayah-ayah antuk arta barana manut peatangan soang-soang tempek, manawi kajudi olih sang mawangrat, utawi kaluasan salami 3 - 7 rahina.

Pawos 13

wusan dados Krama Desa, luwire ;

na. Sangkoning :

- 1) Pinunas ngeraga, manawi kebah kadura Desa utawi ngalangkungin sagara;
- 2) Kanorayang , duaning sampun tan prazida ngesehin solah maprawerti satata nguwig pamargin Awig-awig.
- 3) Wusan makrama desa mapiteges taler wusan makrama banjar utawi wusan makrama banjar mapiteges wusan makrama desa, mangda sampunang kasinanggeh empak ngelanting.

na. Sang .....

na. Sang wusan makrama :

- 1) Patut ngaturang karang ayahan ka Desa, prade karang punika karang Desa;
- 2) Tan polih pah-pahan saking padruweyan Desa;
- 3) Tan polih pasayuban sajronin ala ayu.
- 4) Sang wusan makrama desa/Banjar prade mawali malih patut nawur saurah arih tategenan krama manut pararem.

ca. Sang wusan sangkanin kanorayang, prade mawali malih patut:

- 1) muntasang saluwir pamidanda utawi tategenan sane ngranayang kanorayang;
- 2) nunas geng pangampura ring paruman desa maduluran panyangaskara panyapsap kaiwangan duwaning nguwak pasubaya pecak..

### Palet 2

Prajuru lan Dulun Desa (Panglingsir)

### Pawos 14

(1) Desa Adat Sebata kaenter olih Bendesa Adat.

(2) Banjar kaenter olih Klian Banjar.

(3) Bendesa lan Klian Banjar patut :

ha. mawiwit saking krama wed kajangkepin antuk:

- 1) Uning ring aksara latin utawi Bali;
- 2) Uning ring tata titining mawa desa;
- 3) Uning ring pariindik Agama lan Adat;
- 4) Lascarya ngayah tur madruwe parilaksana sane rahayu.

na. kaadegang malarapan antuk kacatri olih parumannya soang-soang nyabran 5 (limang) warsa, sejawaning wenten pariindik tios, tur dados kacatri malih;

ca. maduluran Dewa saksi ring Pura Kahyangan Tiga.

### Pawos 15

(1) Bendesa Adat kasanggra olih :

ha. Patajuh utawi Pangliman pinaka wakilnya;

na. Panyarikan Desa pinaka juru surat;

ca. Patengen utawi juru rakes pinaka pangamong druwan Desa;

ra. Kasinoman pinaka juru arah.

(2) Kasinoman akehnya manut kawigunan saha magilir nyabran ngasasih.

(3) Sajeroning ngenterang kasukertan niskala, Bendesa wingsinghihang Pamangku Kahyangan Desa utawi sang Rumaga Sulingih.

Pawos .....

Pawos 16

(1) Swadharmaning Bendesa Adat luwire :

- ha. ngenterang pamargin sadaging Awig-awig miwah pararem Desa;
- na. nuntun tur ngenterang krama rawuhing warga Desa sami ngupadi manut patitis;
- ca. mawosin kalih niwakang pamutus arep ring wicara warga Desa;
- ra. maka dutta Desa matemuang bawos ring sapa sira ugi.

(2) Prade Prajuru iwang palaksana keni pamidanda nikel ring kaiwangan soang-soang krama, tur dados kararyanang manut pararem.

Pawos 17

Patias utawi olih-olihan Prajuru/Dulun Desa, luwire :

- ha. luput rerampen lan papeson;
- na. polih tanding tengah;
- ca. upon pacatu;
- ra. patias sewosan manut pararem.

Pawos 18

(1) Prajuru / Dulun Desa kagentosin riantuan :

- ha. s e d a;
- na. kanorayang dwaning iwang pamargi utawi nilar sesana;
- ca. wit saking pakayun utawi pinunas ngaraga.

(2) Nganorayang utawi ngentosin Prajuru/Dulu-dulu patut sajeroning paruman tur kaingkupin olih Krama Desa.

Palet 3

Indik Kulkul

Pawos 19

(1) Kulkul ring Desa luwire :

- ha. Kulkul ring Kahyangan;
- na. Kulkul Desa;
- ca. Kulkul Banjar;
- ra. Kulkul Sekaa-sekaa;
- ka. Kulkul Subak.

(2) Tabuh tatepakan kulkul ring Kahyangan Desa :

- ha. nungtit/silih asih, tengeran wenten Yadnya/Upacara;
- na. tulud lambat, tengeran tedun ngayah;
- ca. bulus, tengeran wenten bhaya.

(3) Tabuh tatepakan kulkul ring bebanjaraan :

ha. Bulus :

- 1) atulud bulus, tengeran kageni bhaya;
- 2) 3 (tigang) tulud bulus, tengeran kapandungan (arthe bhaya);
- 3) 2 (kalih) tulud bulus, tengeran jiwa bhaya.

na. Lambat :

- 1) 2 (kalih) tulud lambat, tengeran tedun ngayah utawi wenten pakaryan.
- 2) nungtit silih asih tengeran, surya grha, bulan kapangan;

ca. Klentungan :

- 1) 9 (sisa) klentungan, tengeran rare embas;
- 2) 7 (pitung) klentungan, tengeran pawiwahan;
- 3) 3 (tigang) klentungan ngempang panjang, tengeran ngawangdeang karya;
- 4) 5 (limang) klentungan tengeran kalayu sekaran.

Pawos 20

- (1) Kulkul Desa utawi Banjar tan wenang katepak yening tan sangkaning pituduh Prajuru Desa / Banjar sajawaning tengeran bhaya.
- (2) Sang nepak tan sangkaning pituduh patut digelis atur supeksa maka buatan panepake, yan tan sapunika wenang sang mawurug kadanda manut pararem.
- (3) Kulkul sekaa-sekaa samaliha kulkul pondokan-pondokan tan kalugra nyawerin (matehin) sukat utawi tengeran kulkul Desa / Banjar sajawaning tengeran bhaya, prade mamurug taler kadanda manut pararem.

Palet 4

Indik Paruman

Pawos 21

(1) Paruman/sangkepan ring Desa Adat Sebatu, wenten :

ha. paruman Desa/Banjar, kawentenang :

- 1) nyabran ngasasih, maka cihna tanpa arah-arah, dwaning sampun tetep panamaya manut pararem babanjaraan soang-soang, nemonin rahina Bhuda Kliwon paruman Desa ayah lan Subak, Wraspati Paing paruman Banjar.
- 2) napkala ( padgeta kala ) maka jalaran arah-arah manut tatujon.

na. sangkepan Prajuru desa, kawentonang manut wiguna;

ca. paruman sekaa-sekaa manut pabuat.

(2) Paruman.....

(2) Peruman Desa utawi Banjar madudonan sakadi ring sor :

- ha. prasida lumaksana risampun katedunin olih sang patut ngamiletin, kamanggala antuk tengeran kulkul miwah mabuzana Adat madya, saha tan kalugra makta gegawan sakaluwire, tan maren ngarcana ring Ida Bhagawan Panyarikan maka sarana Widhi Widana cane;
- na. maka sarana janggi, pangawit kalaksanayang panyacak sep-sepan saha riwusannya nyacak, ngeteng dadosan gung alit manut pararem;
- ca. tan kalugra ngawetuang suwara gora utawi byota, yang wenten asapunika kené pamidanda beya pecamil kadé dandaning nguman-uman ring sabha;
- ra. pamutus babawos beriuk sapangui (ingkup) punika kamanggehang.

(3) Prade pidaging paruman tan kaingkupin mangda Prajuru Desa ngilikang babawos, saha pamutusnya mangda kararemin olih Krama Desa, bilih tan prasida kasungkemin jantos ping tiga Prajuru wenang nunas bawos ring Sang Ngawa Wenang.

Pawos 22

(1) Sajeroning paruman Desa, Bendesa patut nyobyahang pamargin ngenterang Desa, pamekas nganinin indik:

- ha. munjuk lungsuring pakraman saha ayah-ayah, sulur arta berana, druwen Desa;
- na. Rarincikan Prajuru nganinin usaha Desa kapungkur.

(2) Pamutus paruman Desa sinanggeh pararem maka pamitegep daging Awig-awig.

Pawos 23

(1) Sangkepan Prajuru Desa kawenangang wantah ngarincikang pangerencana usaha Desa kapungkur.

(2) Sangkepan Prajuru Desa tan kawenang ngawedalang tategenan ring Krama sadereng kaingkupin olih Krama Desa ring paruman.

(3) Pamutus sangkepan prajuru Desa ngawetuang pasuwara, maka pidaging pituduh sang Ngawawenang utawi ngonekang pecak pararem krama desa.

Palet 5

Indik Druwen Desa

Pawos 24

Padruwen Desa Adat Sebata sakadi ring eor :

- sa. Kahyangan Desa luwire :
  - 1) Kahyangan Tiga : Pura Desa lan Bale Agung, Pura Puseh, Pura Dalem lan Praja Pati.
  - 2) Pura Melanting.
  - 3) Pura Gunung Kawi.
  - 4) Pura Jaba Kuta.
  - 5) Pura Masceti.
  - 6) Pura Kusti.
  - 7) Pura Ulun Suwi kakalih.
  - 8) Pura Panti Alit
- sa. Wantilan Desa kakalih;
- sa. Tanah tegalan (manut ilikita);
- sa. Karang ayahan Desa;
- sa. Setra;
- sa. Palaba Pura, carik/tegal (manut ilikita)
- sa. Lelanguan, makadi tetabuhan lan ilen-ilen padruwen Desa/ babanjaran luwire :
  - 1) Gong 3 (tatiga);
  - 2) Gambang;
  - 3) Ilen-ilen wali Pura : Rejang, Pendet, Baris gede, Rejang Dewa;
  - 4) Muwah padruwean tiyosan.
- sa. Nyasa, sasanthi.
- sa. Lembaga Perkreditan Desa (LPD).

Pawos 25

Piolih-olihan Desa Adat Sebata luwire :

- sa. piolih-olihan saking palaba Pura;
- sa. urunan Krama Desa Adat;
- sa. paica saking Guru Wiseesa;
- sa. Paica-paica sane tiyosan, sane patut;
- sa. uteaha Desa Adat .

Pawos 26

- (1) Prajuru Desa wenang ngetangang pamupon labu Pura lan sapanunggalan druwen Desa.
- (2) Pikolih lan pamuponnya kaanggen prabeya piotalan saha wewangunan ring Pura miwah anggen kabuatan Desa Adat.
- (3) Nyeban pasangkepan Desa, Prajuru pangamong druwe desa nguningayang pariindik munjuk lungsuring padruwean ring Krama Desa.
- (4) Sakaluwiring druwen Desa patut wenten ilikitannya.
- (5) Tan kalugra ngadol utawi ngesehang padruweyan Desa yan tan kasungkemin olih Krama Desa ring paruman.

Palet 6

Sukertan Pamitegep

Kaping 1

Karang, Tegal lan Carik

Pawos 27

- (1) Krama. Desa pangamong Karang Desa utawi karang gunakaya patut ngawatesin karang inucap antuk terbok utawi pagehan mangda pakantenannnya esri.
- (2) Wates sisi kaler miwah kangin patut kakaryanin olih sang ngamong karang ayahan inucap, sane mawasta gegaleng kaluan, sajawaning tanah pacatu, tegal, carik utawi tanah pedruweyan ngaraga, sane kapiara watese sisi klod miwah kauh utawi manut drestha reh punika mawasta gegaleng kateben.
- (3) Prade karasayang pagehan/turus inucap ngalikadin, yen pada arsa panyandinge, kengin watese nganggen pinget kewanten, kasaksinin olih Prajuru Desa utawi praciha pal saking Sang Ngawawenang.
- (4) prade wenten karang kabebeng /embet mangda kautsehayang wenten pamarginnya,manut paigum lan pararem.

Pawos 28

- (1) Sinalih tunggil Krama Desa/Banjar tan kalugra :

ha. Ngalah-alah margi, tegal ayahan Desa, karang Desa, lan sapanunggalanya;  
na. ngalah-alah tanah linggih kahyangan, tegak setra, lan sakancan linggih sinanggeh suci.

- (2) Prade wenten sakadi ring ajeng ,sang ngalah wenang ngawaliang tanah inucap saha keni pamidanda manut pararem kadulurin upakara prade ngalahlah tanah suci.

Kaping 2

P e p a y o n a n

Pawos 29

- (1) Ngawit nandur pepayonan tanem tuwuh patut agulig lesung (1,5 meter) ngajeroang saking wates,prade jantos ngaliwat wates wenang kasepat gantungin.
- (2) Yening wenten tatanduran ngungkulin,sameliha mawastu mayanin kapisaga patut kawara antuk paiguman ping ajeng mangda prasida sang nruwenang wit ngarebah utawi notor .

(3) Prade.....

- (3) Prade sampun kawara taler tan wenten usaha sang nruwenang wit, sang rumasa katetehan/kajerihan wenang masadok ring prajuru, tur risampun kaparitasas kalugra mademang wit inucap, sakewanten patin pepayonan patut katawur manut pangeloika sane nepasin.
- (4) Sang keni pamidanda panyangaskara saha prabeys manut pararem arep ring wewangunan sang karubuhin, luwire;
  - ha. Sang nruwenang wit sinanggeh mayanin, prade pungkak ngarubuhin wewangunan krama tiyos;
  - na. Sang notor, munggui utawi ngarebah taru tur ngarubuhin krama tiyos.
- (5) Prade wenten wit mentik sajronin wates patut kapademang, mangda tan ngranayang wicara. Prade sampun ageng kapademang, wit punika pinara tiga :
  - ha. Apah tiga katur ring sang nruwenang wit.
  - na. Apah tiga katur ring sang penyandingnya.
  - ca. Apah tiga katur ring Desa Adat.
- (6) Krama Desa patut ngamanggehang kawerdian tanem tuwuh sane ngawinang Desane asri.

Kaping 3

Wewangunan

Pawos 30

- (1) Nyabran ngawangun patut :
  - ha. masadok ring Prajuru, ping ajeng prade wewangunan nganjinin wates;
  - na. ngangge sukat asta bhumi miwah gagulak asta kosala - kosali, sanistane manut ring patitis niskala;
  - ca. tan nyayubin kapisaga.
  - ra. tan dados ngembahang toya wit saking jempeng/W.C. miwah belengbeng/bada ka pisaga.
- (2) Prade wewangunan jantos nyayubin bilih-bilih temboke ring telengin wates, risampun kawara tur kasadokang ring Prajuru, wenang kadanda manut pararem saha tembok inucap kagubar utawi sanistane mangda kakaryaneng abangan.

Kaping 4

Wewalungan

Pawos 31

- (1) Warga Desa sane mamiara wewalungan patut sayaga nitenin negul/ngalogor mangda tan ngarusak karang utawi pablanan Krama sewos, bilih-bilih jantos ngaranjing ngaletihin Kahyangan.

(2) Prade.....

- (2) Prade wenten wewalungan malumbar utawi ngeleb ngarusak pakarangan/pabianan Krama sewos, risampun kawara dados kataban tur kadanda ngawaliang wit sane karusak saha nawur panebas papiaran tetaban, manut pangejoikan Prajuru Desa.
- (3) Prade jantos ngaletihin linggih suci, minakadi Pamrajan, risampun kaparitatas olih Prajuru wenang sang nruwenang kadanda mabuhu agung ( caru eka sata, maduluran tebasan prayascita durmanggala ), prade ngaletihin Kahyangan Desa utawi Pura Pamaksan, wenang nyaronin antuk Panca sata makerep itik belang kalung.
- (4) Krama desa patut nyanggra wewalungan miwah sarwa prani, tan kapatutang ngamademang pakai, nuba ulam, miwah sane sewosan. Prade wenten malaksana sakadi punika keni pamidanda manut pararem tur kaaturang ring sang Ngawawenang.

Kaping 5

B h a y a

Pawos 32

- (1) Pariindik bhaya, luwire : jiwa bhaya, artha bhaya (kapandangan), dura cara ring Agama.
- (2) Sang manggihin kahanan jiwa bhaya, patut nepak kulkul bulus mapitulung manut pawos 19 (3) aksara ha.
- (3) Prade ring Desa kahanan jiwa bhaya, patut Desane ngaturang Bhuta Yadnya, tur sang mayanin kaaturang ring Sang Ngawawenang.
- (4) Prade wenten jatma mamisuh utawi nguman-uman jatma tiyos. kakenanin pamidanda beya pacamil maduluran tebasan prayascitta.
- (5) Yaning wenten jatma majengilan ring bale Banjar, ring Pura, utawi ring genah sane kasinanggeh suci, keni pamidanda manut pararem, maduluran panyangaskara prade sang majengilan kantos ngamedalang rah.

Pawos 33

- (1) Sang manggihin kahanan artha bhaya (kamalingan), patut ngulkul mapitulung manut ring pawos 19 (3) aksara ha utawi sang kamalingan atur supeksa ring Prajuru Desa sane pacang nimbangin utawi nandanin manut pararem, saha maweweh panyangaskara prade wenten jatma ngamaling barang sinenggeh suci.
- (2) Pratingkahe mapailon ring dusta kabawos saruron, prade wenten jatma manggihin maling tan nyadokang ring Prajuru jantos jatma tiyos nyaduang, patut kadanda kadi dandaning maling, sakweh pangargan wit manut cacakan Banjar, tur prade jantos ping tiga malaksana asapunika wenang kasukserah ring sang Ngawawenang.

(3) Prade.....

- (3) Prade wenten jadma ngarereh reramon, minakadi daun kelapa, ron miwah sane sewosan tanpa sadok ring sang nruwenang wit, prade kacunduk (katara) patut kadanda kadi dandaning maling.
- (4) Yening wenten jatma ngaranjing kapakubon wiadin pakarangan jatma tiyos rikala suwung, mawastu sang madruwe karang kaicalan, wenang jatma inucap katuwekang antuk madewa saksi ring Pura Bale Agung.
- (5) Mangda tan katuwekang manut sakadi ring ajeng, asing-asing ngaranjing kapakubon jatma tiyos patut :
  - ha. matengeran suwara (makaukan);
  - na. nyantos sang nruwenang karang rawuh utawi masadok ring pangapit pinih tampek, maka buatan pangaranjinge;
  - ca. pamedal karangnya kadagingin nawen, maka cihna pangarah rikala suwung.

Kaping 6

Panyanggran Banjar

Pawos 34

Krama Desa rikala ngawentenang karya suka-duka, patut kasanggra olih Banjar, luwire :

- ha. Prade ngawangun Pitra Yadnya utawi Manusa Yadnya, manut pinunas sang mayadnya;
- na. Pangarombo utawi karya gotong-royong krama jantos ping tiga, langkungan ring punika patut katuran pangingu;
- ca. Pangingu rikala Pitra Yadnya manut abot dangan Yadnya, prade saking semengan ngantos wengi katuran pangingu ping kalih.
- ra. Pangarombo tiyosan manut pararem.

CATHURTAS SARGAH

SUKERTA TATA AGAMA

Palet 1

Indik Dewa Yadnya

Pawos 35

(1) Kahyangan Panyiwian ring sawidangan Desa Adat Sebatu luwire:

- ha. Kahyangan Tiga, Pura Desa/Bale Agung, Puseh miwah pura Dalem lan Prajapati;
- na. Pura Jaba Kuta;
- ca. Pura Melenting;
- ra. Pura Gunung Kawi;
- ka. Pura Kusti;
- da. Pura Masceti;

ta. Pura.....

- ta. Pura Ulun Suwi kekalih;
- sa. Pura Panti Prajurit;
- wa. Pura Panti Kauh;
- la. Pura Panti Pasek;
- ma. Pura Panti Alit;
- ga. Pura Panti Pulasari;
- ba. Pura Taulan;
- ja. Pura Dewi;
- ya. Pura Dugul Kaja;
- nya. Pura Dugul Kelod.

(2) Rahina Piodalan ring soang-soang kahyangan inucap, kadi ring sor;

- ha. Ring Kahyangan tiga, luwire;
  - 1) Pura Desa/Bale Agung, rikala Purnama 5 (kalima);
  - 2) Pura Puseh, rikala Purnama Kalima;
  - 3) Pura Dalem, rikala Tilem Kasa;
- na. Pura Prajapati rikala Anggara Kliwon Prangbakat;
- ca. Pura Melanting rikala Bhuda Wage Klawu;
- ra. Pura Jaba Kuta rikala Saniscara Kliwon Landep;
- ka. Pura Gunung Kawi rikala Purnama Kasa;
- da. Pura Kusti rikala Anggara Kliwon Prangbakat;
- ta. Pura Masceti rikala Purnama Katiga;
- sa. Pura Dugul Kaja rikala Nganutin acin pari;
- wa. Pura Panti Prajurit rikala Purnama Kalima (sesampun wusan ring Pura Puseh);
- la. Pura Panti Kauh rikala Purnama Kalima (sesampun wusan ring Pura Puseh);
- ma. Pura Panti Pasek rikala Purnama Kasa;
- ga. Pura Panti Alit rikala Purnama kalima (sesampun wusan ring Panti Kangin lan Panti Kauh);
- ba. Pura Panti Pulasari rikala Purnama kalima (sesampun wusan ring Pura Puseh);
- ja. Pura Tawulan rikala Bhuda Umanis Julungwangi;
- ya. Pura Dewi rikala Bhuda Umanis Julungwangi;
- nya. Pura Dugul Kelod rikala nganutin acin pari.

(3) Pangaci ring Pura inucap manut kecap sastra Agama, silih kalaksanayang nista, madia, utama manut kawentenan lan pararem;

(4) Pangempon soang-soang Pura manut dresta kadi ring sor:

- ha. Ring Kahyangan tiga, luwire;
  - 1). Pura Desa/Bale Agung, kaempon olih krama desa ayah;
  - 2). Pura Puseh, kaempon olih krama desa ayah;
  - 3). Pura Dalem, kaempon olih krama desa ayah;
- na. Pura Prajapati kaempon olih krama banjar;
- ca. Pura Melanting kaempon olih krama banjar;
- ra. Pura Jaba Kuta kaempon olih krama desa ayah;
- ka. Pura Gunung Kawi kaempon olih krama desa ayah;
- da. Pura Kusti kaempon olih krama banjar;
- ta. Pura Masceti kaempon olih krama Subak;
- sa. Pura Dugul kakalih kaempon olih krama Subak;
- wa. Pura Panti Prajurit kaempon olih krama Panti kangin;
- la. Pura Panti Kauh kaempon olih krama panti Kauh;
- ma. Pura Panti Pasek kaempon olih warga Pasek;
- ga. Pura Panti Alit kaempon olih krama banjar;
- ba. Pura Panti Pulasari kaempon olih warga pulasari;
- ja. Pura Tawulan kaempon olih krama Tawulan;
- ya. Pura Dewi kaempon olih krama Dewi.

Pawos 36

- (1) Ring soang-soang Pura inucap patut keadegang Pamangku lan Panyarikan Pura;
- (2) Ngadegang Pamangku manut dudonan :
  - ha. Nyanjan utawi masemurang, soang-soang mapitegee mapinunae ring ajeng Pura wiadin kadura Desa manawi ring ballen konteng, lan sapanunggilannya;
  - na. Turunan utawi waris;
  - ca. Kacatri olih krama Desa.
- (3) Tan kawenang adegang Pamangku luwire :
  - ha. Cendangga makadi peceng, perot, cungh lan sapanunggilan ipun;
  - na. Sang sapasira ugi sane tan kapatutang manut pararem;
  - ca. Sakit ila, ayan, buduh wiadin edan;
  - ra. Sane tan madrebe kasucian urip.
- (4) Prabia kapamangkuan :
  - ha. Adiksa Widhi ( ngawintenin ) lanang istri kamedalin saha kalaksanayang olih sang ngadegang, makadi krama Desa utawi pangempon Pura soang-soang;
  - na. Mapitra Yadnya riwekas lanang miwah istri patut kasungkemin olih Krama Desa utawi pangemong, sanistane Brahmaprayasita, panyanggrane manut pararem prade Yadnya inucap kalaksanayang oleh wargan sira pamangku.
  - ca. Sinalih tunggil krama yan wenten ngipik-ipik sapari polah pamangku, nanging pamangku tan sapunika pari polahnya kadi sane kaipik-ipik, wenang jadma inucap kasisipang nyuciang pamangku, manut pararem.
- (5) Pamangku patut ngamanggehang sasananing Pamangku luwire :
  - ha. Ambek Dharma sadhu;
  - na. Asewaka Dharma, makadang sastra utama;
  - ca. Tan parek ring naya dustha;
  - ra. Tan atayub ring tarub camara yudha;
  - ka. Tan manjing ring umah wong banijsa karma;
  - da. Tan manjing ring umah wong drati krama;
  - ta. Tan wenang ajajuden;
  - sa. Tan anginum asing angawe mada;
  - wa. Tan pati pikul-pikulan;
  - la. Tan salah suluh;
  - ma. Tan wenang anayub upadrawaning cor, yan mawiyawahara teka wenang adewa saksi;
  - ga. Tan griganing wong akweh;
  - ba. Tan keneng cuntakaning wong len, sajawanin kulawarganya tunggil natah, utawi pasiwanja manut dresta.
- (6) Prade mamurug, wenang Pamangku nyepuhin raga kasaksinin olih Prajuru Desa.
- (7) Yan pacang ngawalat rabi wenang ngaturang rumuhun pawintenanya, ring pura genahnya madeg pamangku nguni, tembenya wawu wenang ngawalet rabi, riwus upacaraanya wenang ngawana wasa salaminya atahun, wus punika wawu mewinten lakibi kadi pawintenanya nguni.

Pawos 37

Swadharmun Pamangku luwire :

- ha. Ngenterang upacara piodalan ring Kahyangan utawi ring soang-soang pakubon krama;
- na. Prade salah sinunggil Pamangku kapialang utawi cuntaka, kengin nguntap Pamangku kahyangan deusa tiosan utawi nuwur sang sulinggih;
- ca. Samaliha yan sampun Pamangku ngayah ring Pura kancit wenten kulawargannya seda, Pamangku inucap tan keneng cuntaka sakewanten Pamangku tan budal salami piodalan.

Pawos 38

Patias utawi olih-olihan Pamangku luwire :

- ha. Panyolasan miwah sarin canang ring soang-soang pakubon krama Desa;
- na. Upon palaba carik miwah tegal manut pararem;
- ca. Luput pakaryan, rerampen/reramon, lan padagingan (luput manuk);
- ra. Patias sewosan manut pararem.

Pawos 39

(1) Pamangku kagentosin riantukan :

- ha. S e d a ;
- na. Pinunas ngaraga, sangkanin kageringan lan sapanunggalannya;
- ca. Kauwusang olih krama sangkanin malaksana sane tan patut.

(2) Prade Pamangku kauwusang sangkaning malaksana tan patut keni pamidanda manut pararem saha ngawaliang prabiya pawintenannya pecak.

Pawos 40

Kasukerten Kahyangan kadi ring sor :

- ha. Tan kalugra ngaranjing kapura luwire :
  - 1) Sang katiben cuntaka makadi sebel ring raga utawi kapademan;
  - 2) Makta sahanan barang sinaggeh ngaletihin;
  - 3) Sato agung, sajawaning rikala mapapada;
  - 4) Mabusana sane tan patut kadi tatacaraning ngaranjing kapura;
  - 5) Sadereng polih wak-wakan (pituduh ) Prajuru Desa.
- na. Pratingkahe tan wenang ring Pura :
  - 1) Masumpah ( cor ) sajawaning pituduh Prajuru Desa;
  - 2) Wak parusya/wak capala, makobetan, masasenengan, makolem dados asiki lanang wadon mabacin, mawarih, macecepin rare, majaljal/majengilan nyangsang busana, menahin pusungan (santukan punika rikala majajahitan patut magelung busung macingor lidinya);
  - 3) Mungguh tedun palinggih sajawaning pituduh Prajuru.

ca. Sang.....

ca. Sang mamurug kecap ring ajeng keni panidanda pamrayascitta sapatutnya.

Pawos 41

- (1) Yan wenten jadma karawuhan ring Pura, dados kapintonin prade rumasa kasumangseyan, yan tan wiakti, jatma inucap kasaisipang manut pararem.
- (2) Prade Kahyangan kahanan durmanggala, minakadi keni bhayo Pamangku/Sang manggihin, patut digelis nyadokang ring Prajuru mangda marumang krama Desa tur ngawentenang ring pamrayascitta sapatutnya.

Palet 2

Indik Resi Yadnya

Pawos 42

- (1) Sang pacang madeg Pandita utawi Pinandita minakadi Balian Sonteng, Kubayan, Dalang, sakaluwiring sane Jagi ngenterang Yadnya patut masadok ring Prajuru Desa utawi Parisada Hindu Dharma Indonesia.
- (2) Prajuru Desa patut ngawas nitenin tur wenang ngalangin prade wenten kacihnian nyasarring kakecap miwah drestane, tur sareng nyaksinin upacaranya saha nyobyahang ring paruman Desa tegap rawuhing wates kawenangannya ngenterang yadnya.
- (3) Krama Desa patut ngaturang ayah sapatmadeg miwah ring pangelepas Sang Sulinggih riwekas katuntun olih Prajuru Desa.

Pawos 43

- (1) Sang Sulinggih lan pamangku patut ngariyinandang muputang ring wawidangan Desa Adat Sebatu, sasampun punika wawu muputang yadnya kajebar tios Desa utawi kadura Desa.
- (2) krama desa sami patut sareng ngawas nitenin katuntun olih Prajuru, mangda sahanan yadnya sane kawentenang kaicen pamuput olih Padanda/sulinggih utawi Pinandita manut kawenangannya soang-soang.

Palet 3

Indik Pitra Yadnya

Pawos 44

Pamargin Pitra Yadnya madudonan manut sakadi ring sor :

ha. Pangupakaran Sang kalayu sekaran :

- 1) antuk mendem utawi ngeseng, makacihna pakinsan ring ibu Pratiwi utawi ring geni, salami nuptupang prabeya;
- 2) Atiwa-tiwa (upakara pangabenan / paleton).

na. Upacara.....

na. Upacara upacara Pitra Yadnya riwusan kasbenan ngraris munggah daun bingin (ngaroras) manut dudonan Atma Wedana.

Pawos 45

Swadharmaning lan tategenan prade wenten sinalih tunggil Krama kalayu sekaraan :

ha. Sang kaduhkitan patut :

- 1) nyadokang ring Kliyan tur nunas tatimbangan ring kawentenarya;
- 2) ngaturin Banjar ngerombo makarya eteh-ete sawa saha ngater kasetra, tur katuran panyambrama canang sasida-sidaan.

na. Swadharmaning Banjar :

- 1) Kliyan Banjar maritatas pamargin sang kaduhkitan, napike pacang kapendem, makingsan riyin utawi lantur kaabenang;
- 2) Prade kapendem, raris kaswarayang kulkul pamitahu manut pawos 19 (3) aksara na olih Kliyan Banjar utawi wakilnya.
- 3) Panyanggran Banjar salanturnyane :
  - ha) soang-soang Krama Banjar nedunang patas beras, adeng kelapa, miwah manut pararem.
  - na) ngarombo ngaryanin eteh-ete sawa, kasarengin olih Krama sane rawuh ngarombo.
  - ca) sami Krama banjar nganter kasetra jantos puput pamendemane.

ca. Tan kengin ngalelet langkungan ring 7 (pitung) rahina, tur patut polih pagebagan manut paetengan Kliyan patas / Banjar.

ra. Tan kalugra nginepang bangbang miwah mendem rikala:

semut sadulur,  
kala gotongan,  
Pasah,  
Kliwon, kajeng Kliwon,  
Soma, Umanis, Taulu,  
Was panganten,  
Ingkel wong,  
Prawani, Purnama, Tilem,  
Perahinan Jagat.

ka. Prade wenten kalayu sekaran rikala piodalan, kengin mendem tanpa sadok, tan nyuwarayang kentongan/kukul tur mamargi wengi/sasiliban utawi ka setra siosan ( setra pakingsan ).

da. Pamargin pamendeman utawi palebonan mangda nganutin sastra agama lan dresta.

Pawos 46

(1) Sane kasinanggeh kacuntaka sakadi ring sor :

- ha. cuntaka antuk kalayu sekaran;
- na. cuntaka antuk ngeraja swala;
- ca. cuntaka antuk ngembasang putra;
- ra. cuntaka antuk karuron;
- ka. cuntaka antuk sakit ila, buduh;

da. cuntaka.....

- da. cuntaka antuk pawiwahan;
- ta. cuntaka antuk gamia gamana;
- sa. cuntaka antuk salah timpal;
- wa. cuntaka antuk yening wenten anak istri mobot nenten kaupakarayang pabiukawonan miwah pawidiwidana;
- la. cuntaka antuk mamitra ngalang;
- ma. cuntaka antuk yaning wenten anak istri ngamedalang putra sadurunge maupakara pabiukaonan miwah pawidiwidana;
- ga. cuntaka antuk sad Tatayi.

(2) Sengker cuntaka manut kawentenannya:

- ha. cuntaka kalayu sekaran, cuntakanya kaanutang ring loka dresta Desa Adat soang-soang;
- na. cuntaka ngaraja swala, 3 rahina ngawit saking ngeraja swala utawi salaming ngeraja swala;
- ca. cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maperayascita manut sastra Agama, lanang wiadin istri;
- ra. cuntaka karuron, cuntakanya abulan pitung rahina (42 rahina) tur sampun matirta pamerayascita;
- ka. cuntaka sakit ila, tubuh/edan, cuntakanya manut ilikita pastika saking Sang Ngawawerang/sang rambanin miwah sampun mrayascita raga;
- da. cuntaka pawiwahan, cuntakanya ngatos sasampune matirta pabiukaonan;
- ta. cuntaka gamia gamana, cuntakanya ngantos sesampune kapalasang/kasapihang tur sampun kawentenang pamrayascita raga miwah pamrayascita Desa Adat/Kahyangan;
- sa. cuntaka salah timpal kapuputang manut ring sastra Agama Hindu;
- wa. cuntaka anak istri mobot nenten kawentenan upakara pabiukaonan, cuntakanya ngantos kawentenan upakara pabiukaonan;
- la. cuntaka mamitra ngalang, cuntakanya ngantos kawentenang upakara pabiukaonan;
- ma. ngembasang putra nenten kawentenang upakara pabiukaonan miwah pawidiwidana, cuntakanya ngatos wenten sane mameras sang putra, lan sampun kawentenan upakara manut ring sastra Agama Hindu;
- ga. cuntaka Sad Tatayi, cuntakanya ngantos sampun maprayascita raga tur nenten pisan dados ngamungganghang upakara padwijatian.

(3) Cuntaka kalayu sekaraan/kapademan :

- ha. Kapadem cuntakanya :
  - 1) cuntaka/sebel kabanjar ngantos 3 (tigang) rahina riwunya mendem/manut dresta utawi sasampun polih pamrayascita.
  - 2) kulawargana sajeroning pakarangan ngantos 12 rahina/manut dresta.
- na. Kaabenang cuntakanya :  
Sang nyambut karya Pitra Yadnya cuntakanya ngawit saking nyambut padewasan karya, wusan mapegat kalanturang malih tigang rahina.

Pawos 43

(4) Sane katiben cuntaka luwire :

- ha. Kalayu sekaran sane kacuntaka :
  - 1) sang sane kalayu sekaran;
  - 2) kulawarganya;
  - 3) babanjaran;
- na. Ngeraja swala sane kacuntaka :
  - Sang sane ngarajaswala.
- ca. Ngembas putra sane kacuntaka.:
  - Kawulawargania sane ngembasang putra lanang wiadin istri.
- ra. Pawiwahan sane kacuntaka :
  - Sang sane ngalaksanayang pawiwahan lanang wiadin istri.
- ka. Sakit ila/buduh, sane kacuntaka raganya dawak.
- da. Karuron sane kacuntaka:
  - Kawula warganya lanang wiadin istri.
- ta. Gamia gamana sane kacuntaka :
  - 1) Sang sane ngalaksanayang gamia gamana;
  - 2) Desa Adat nyane.
- sa. Salah timpal sane kacuntaka :
  - 1) sang sane malaksana salah timpal;
  - 2) kulawarganya;
  - 3) Desa Adat.
- wa. Anak istri mobot nenten kawentenang upacara pablukaonan sane kacuntaka :
  - Sane maraga istri (sane mobot)
- la. Mamitra ngalang sane kacuntaka :
  - Sane ngalaksanayang mamitra ngalang.
- ma. Ngembas putra nenten kawentenang upakara pablukaonan miwah upakara pawidi-widana sane kacuntaka :
  - 1) Sang sane ngembasang putra;
  - 2) Putra sane mbas.
- ga. Sad Tatayi, sane kacuntaka :
  - Sang malaksana Sad Tatayi.

(5) Tan keneng cuntaka, luwire :

- 1) Sang bulinggih lan Pamangku Kahyangan tiga;
- 2) Rikala piodalan risampun ngalang sasih/ngalang tengah.

Pawos 47

(1) Attiwa-tiwa (pangabenan) kalaksanayang antuk :

- ha. Sawa prateka, pangabenan mawatang sawa;
- na. Sawa resi, pangabenan mawatang antuk sawa kresyan;
- ca. Suwasta, pangabenan mawatang sawa sane tan kakeniang, kagentos antuk lalang utawi toya.

(2) Panemayan pangabenan wenten kalih pawos :

- ha. Ngaben dadakan/bah bangun manut pararem;
- na. Ngaben ngamasa, manut pararem.

(3) Dudonan pangabenan ngawit saking ngagah (seda), ngeseng ngantos pangiriman utawi nganyut.



- ra. Ring sarwa lelanguan rikala Saniscara Kliwon wara Krulut;
- ka. Ring sarwa ingon-ingon/ wewalungan rikala Saniscara Kliwon wara Uye;
- (1) da. Ring sarwa ringgit, ukir-ukiran rikala Saniscara Kliwon wara Wayang;
- ta. Upacara pakala-kalan manusa manut widana, kabawos pabyakala.
- (3) Upacara pabyakala ring Pratiwi, Kahyangan lan Babuthan kawastaning macaru.
- (4) Pacaruan inucap ring ajeng nista, madia, utama, manut wiguna kadi ring sor :
  - ha. Ekasata; na. Panca sata;
  - ca. Panca sanak; ra. Resi gana;
  - ka. Tawur Agung; da. Panca kelud;
- (5) Sajawaning kadi ring ajeng kawentenang upakara :
  - ha. majot-jotan utawi yadnya sesa nyabran wusan ngarateng;
  - na. masapuh-sapuh rikala pacang wali ring pura;
  - ca. Pacaruan pasasihan kalaksanayang nangken Tilem ngawit esih ka 5, 6, 7, 8, lan ka 9, sajawanin wenten durbiksan jagat.

Pawos 51

- (1) Nangken ngawarsa rikalaning Tilem kasanga kawentenang tawur kasanga, kalanturang antuk ngarupuk, makacihna pacang mapag rahina panyepian benjangne.
- (2) Brata panyepian sane kamargiang olih krama Desa;
  - ha. amati geni; tankengin maapi-api;
  - na. amati karya; tan kengin nyambut karya;
  - ca. amati lelanguan, tan kengin maoneng-onengan, masuwara gora, lan sapanunggalannya.
  - ra. amati lelungan, tan dados malancaran.
- (3) Pabratan inucap kamargiang sakeng semeng ngantos semeng benjangne raris kasuwarayang kulkul punika cihna pangembak.
- (4) Sang mamurung kecap ring ajeng keni pamidanda manut pararem Banjar/tempek soang soang kamargiang olih patelik (pacalang Desa).
- (5) Riwus rahina Nyepi (benjangne) maka cihna pangawit Isaka Warsa, patut warga Desa sami madharma Santi.

PANCAMA SARGAH

SUKERTA TATA PAWONGAN

Palet 1

Indik Pawiwahan

Pawos.....

Pawos 52

- (1) Pawiwahan inggih punika patemon purusa kalawan pradana, malarapan panunggalan kayun suka lila kadulurin upesaksi sakala niskala.
- (2) Pamargin pawiwahan luwire :
  - ha. Pepadikan, kamanggala antuk pakrunayan;
  - na. Ngarorod, marangkat riyin wawu kakrunayang;
  - ca. Nyeburin utawi sentana nyeburin (risampun nganutin upakara pamerasan);
- (3) Pidadab sang pacang mawiwaha patut :
  - ha. sampun manggeh daha - taruna (prasida nganutin Undang-undang);
  - na. sangkaning pada lila (tan kapaksa);
  - ca. manut kecap sastra Agama ( tan gamia gamana );
  - ra. kasudiwadani prade pangambile tios Agama, utawi kapatiwangi.
- (4) Pamargin pawiwahan mangda taler nganutin Undang-undang Perkawinan sakeng Seng Ngawawenang.

Pawos 53

- (1) Pawiwahan sane kapatutang ring Desa, sakadi ring sor :
  - ha. sampun kamargiang pabyakala utawi pasakapan, kasaksieng sakala niskala olih Pandita utawi Pinandita;
  - na. wenten pasaksi Prajuru/Dulu-dulu sane mapakelingang utawi ngilikitayang pawiwahan;
  - ca. sampun matengeran suwaran kulkul;
  - ra. pawiwahan inucap ring ajeng sampun kacatetang ring sang Ngawawenang.
- (2) Parabian sane tan manut kadi kecap ring ajeng sinenggeh tan patut.

Pawos 54

- Tata caraning parabian patut sakadi sor :
- aa. Sapa sira ugi-pacang ngawararangang pakulawarganya patut masadok ring Prajuru/Dulu-dulu, salanturnya Prajuru/dulu maritatas manut tan manut pamargin parabine;
  - sa. pamargin pepadikan manut dudonan :
    - 1) Pakrunayan jantos ping tiga, saha soang-soang malarapan:
      - ha) kapertama antuk canang /sedah;
      - na) kaping kalih antuk canang pangrawos;
      - ca) kaping tiga antuk daksina pajati kabawos pamuput pamadikan.
    - 2) risampun puput raris sang istri kaajak budel ring pakubon sang-lanang, saha kalanturang antuk pabyakala.
    - 3) mangda puput tumus sakala niskala, raris kulawarga purusa makta pajati ring Pamarajan wadone.

- ca. Prade ngarorod/marangkat patut :
- 1) reraman lanange ngawentenang pamilaku/pangenduh antuk duta sakirangnya 2 (kalih) diri;
  - 2) pagenahan antene tan kengin ring pakubon sang lanang sadereng mabeyakala.

- ra. Sajeroning pakrunayan/pangelukuan patut :
- 1) kamanggala antuk geng pangampura arep ring reraman wadone;
  - 2) kaigumang bawos idih pakidih utawi palegayan arep ring pasewakan sang ngidih saha dewasa pakrabkambeyane riwekas;
  - 3) kacihnayang indik kaparusa utawi prade sentana rajeg kajejerang kapatut ngidih anak lanang sane kabawos pawiwahan nyeburin, tur risampun sulur pamerasan kategepin kamanggehang sentana nyeburin;
  - 4) prade tan terima pajati, pakrunayan kamargiang jantos ping tiga.

Pawos 53

- ka. pakerab-kambeyan mapiteges upacara tinas apadang (puput) mapakuren, dwaning manut sakadi ring sor :

- 1) Sajeroning kabawos ambe, kalaksanayang ring sakala niskala masarana jejauman miwah pawidi widana :
  - ha) jejauman pinaka ngambe/ngadungang kayun soang-soang pakulawangan wadone;
  - na) widi widana pinaka pajati niskala nunas wadone ring Pamrajanya.
- 2) Sajeroning bawos kerab pemargi ring sakale :
  - ha) antuk panyaksi Krama Banjar, dwaning kaparabiang matengeran swaran kulkul;
  - na) pamekas pasaksi Prajuru / Dulu-dulu sane ngilikitayang.

Palet 2

Indik Nyapian

Pawos 55

- 1) Pawiwahan prasida kawusang malarapan antuk palas parabian utawi kapademan.
- 2) Wusan mapakuren riantukan salah sinunggal seda mapiteges balu, makadi balu lanang/istri.
- 3) Palas parabian inggih punika sangkaning mawiwit wicara.
- 4) Sang ayat palas marabian patut atur supeksa pailikitan riyin ring sang Rumawos wastu tinas apadang pamutuse kabawos nyapian wawu Prajuru nyobyahang kawentenannya ring Desa saha keni panebas swaran kulkul manut pararem.

Pawos 56

Tata cara palas parabian sakadi ring sor:

- 1) nawur prabeya pasaksi sinalih tunggil sami matenga;
- 2) pagunakayan polih pahan pada;

ca. Pabekel.....

- ca. pabekel, tadtadan soang-soang kakuasa niri-niri miwah warisan kakuasa olih purusa;
- ra. ngaweruhin miwah ngupajiwain pratisentana manut swadharmaning guru rupaka;
- ka. nawur pamidanda panebasan swaran kulkul manut pararem;
- da. ngelung Jinah logika Prajuru/Dului;
- ta. mapamit ring pamrajan lanange.

Pawos 57

Prade riwekas sang palas kacihnan adung malih, patut :

- ha. ngalaksanayang pawiwahan malih;
- na. kadenda nikel saking palase.

Pawos 58

(1) Sang balu kabinayang dados :

- ha. balu luh wit sentana (sentana rajeg) miwah balu luh boya sentana;
- na. balu muani kapurusa (wit sentana) miwah balu muani nyeburin (boya sentana).

(2) Swadharmaning balu inucap patut :

- ha. ngamanggehang patibrata tan kengin ngamargiang paradara/drati krama;
- na. nguasayang waris pagunakaya, tan dados ngadol, ngadeang, makidihang lan siosan punika, sajawaning kabebasan olih pianak utawi kulawarga pinih tampek sakeng kurenannya prade pianak kantun alit-alit;
- ca. kengin ngidih sentana prade wenten pidabdeb sadurung sinalih tunggil padem, saha kabebasan olih kulawarga sakeng kapurusa;
- ra. kawenangang mawiwaha malih, prade wenten kabebasan manut angka/aksara ring ajeng.

Pawos 59

Balu kaucap tan pageh sakadi ring sor :

- na. dratikrama utawi paradara;
- na. matilar saking pakubon tan pasadok jantos 6 (enam) sasih;
- na. lempas ring swadharma sewos-sewosan, tan prasida ngeschin solah maprawerti arep ring pituduh sane patut sakeng kulawarga purusa.

Palet 3

Indik Sentana

Pawos 60

Sentana wenten kalih pawos, sane kaucap pratisentana miwah sentana paperasan.

(2) Pratisentana.....

- (2) Pratisentana inggih punika sentana sane metu saking pawiwahan kapatut.
- (3) Prade pawiwahan tan kapatut ngawetuang sentana, mangda tan kantun kawastanin babinjat utawi astra patut kamanggala antuk panyangaskara.
- (4) Prade pawiwahan tan ngawetuang sentana kengin ngidih sentana antuk upasaksi sakala niskala sane kawastanin sentana paperasan.
- (5) Sentana rajeg inggih punika, pratisentana wadon (pradana) sane kamanggehang lanang (purusa) tur risampun ngalaksanayang pawiwahan kaceburin.
- (6) Sang sane dados kaarsayang sentana rajeg inucap wiwit angka (5), inggih punika :
  - ha. Pratisentana wadon tunggal;
  - na. Sampun kamanggehang dados pratisentana lanang (purusa);
  - ca. Kapawiwahan kaceburin kautamayang antuk jadma sane maagama hindu utawi jadma sane maagama siyosan sane sampun ngalaksanayang pamarisuda raga utawi sudiwadani;
  - ra. Sane ngamanggehang sentana rajeg patut mapasadok ring Prajuru Banjar, tur I Klian Banjar patut nyobyahang ring Banjar saha ngaturang ring Prajuru Desa Adat.

Pawos 61

- (1) Ngangkat sentana manut dudonan patut makacihna erta berana pamerasan sane kesaksiang sakala-niskala;
- (2) Sapa sira ugi krama pacang ngidih sentana patut masadok ring Bendesa sanistana 3 (tigang) saih sadereng pamerasan. Bendesa ngalanturang pakarsa punika ring sang ngawa wenang;
- (3) Bendesa kawakilin olih Klian-klian Banjar nyobyahang ring sawidangan Desa, sang sapa sira ugi rumasa tan lila mangda nyadokang masengker kalih uku (14 rahina) sabanen pamerasan ring Bendesa Adat;
- (4) Prajuru /Dulu Desa digelis mawosin saha ngicenin pamutus nepek ring catur dresta miwah pararem;
- (5) Prade sulur paperasan tan manut kadi kecap ring ajeng, Prajuru/Dulun Desa wenang ngandeg sang pacang mameras saha ngicenin pamutus mangda kapuputang riyin babawos, sulur utawi wicaranya.

Pawos 62

- (1) Paperasan sane kapatut ring Desa risampun makacihna :
  - ha. Widi-widana paperasan;
  - na. Kasaksinin olih prajuru Desa sane makelingang utawi ngilikitayang.
  - ca. Kasobyahang ring wawidangan Desane.

(2) Sane kapatut peras angge sentana kadi ring sor:

- ha. Jatma maagama Hindu.
- na. papernahan nedunang saking sang weras ;
- ca. Kulawarga saking purusa, prade tan wenten kengin saking wadon, yening taler tan wenten wawu kengin sakama-kama (saking kayun);
- ra. Kautamayang saking waris pancer kapurusa;
- ka. Sinalih tunggil mawiwit saking kulawarga tunggal sanggah utawi merajan, paibon lan dadia utawi ngambilin anak tios sakewanten sang maagama Hindu.

(3) Kengin ngangkat sentana langkungan ring adiri, lanang wiadin wadon, prade ngangkat sentana lanang wadon, nenten dados kapawiwahang.

- 1) Kilar kawitan-lan sesana Palet 4
- 2) Alpaka guru rupaka
- 3) Sentana rajeg kosah Indik Warisan pratisentana nyeburin, soang-soang kabawos ninggal kadi.
- Pawos 63

(1) Warisan inggih punika tetamian arta berana saha ayah-ayah ngupadi kasukertan sakala lan niskala saking kaluhurannya arep ring turunannya.

- (2) Kang sinanggeh warisan luwire:
  - ha. Duwe tengah, makadi tegal, ayahan Desa, Kahyangan, pusaka siwa pakarana lan sapanunggalanya;
  - na. Pamerajan;
  - ca. Pagunakayan, tadtadan / jiwa dana, hutang piutang.

- (3) Wawu kengin kabawos warisan prade wenten :
  - ha. Sang mapiturun ( pawaris ) ;
  - na. Katurunan ( ahli waris ) ;
  - ca. Arta berana miwah tategenan makacihna warisan.

- (1) Ahli waris luwire :
  - ha. Pratisentana purusa ;
  - na. Pratisentana pradana (sentana rajeg);
  - ca. Sentana paperasan lanang/wadon.

- (2) Prade tan wenten sakadi ring ajeng, kang sinanggeh ahli waris :
  - ha. Turunan purusa pernah ngenggahang, rerama lanang, pekek salantur ipun rerama misan, mindon;
  - na. Turunan purusa pernah kacamping makadi kaponakan misan, mindon.

Swadharmaning alih waris patut :

ha. nerima.....

- ha. Nerima saha nguwasayang tetamian pahan saking kaluhuranya, makadi ngarespon sanggah, Pura saha pangupakaranya miwah nyelidihinin ayah-ayahan pawaris;
- na. ngabenang pawaris saha ngalanturang upacara-upakara pitra.
- ca. Nawurin hutang - hutang pawaris sane manut pangeloika.

Pawos 66

Pangepahan waris manut sakadi ring sor :

- ha. Risampun kalaksanayang Pitra Yadnya lan hutang-hutang pawaris buntas katawur;
- na. Para ahli waris polih pahan pade sangkaning pagunakayan, sajabaning karang / tegal, ayahan Desa kaamong olih ahli waris kang sinanggeh Krama ngarep;
- ca. Sinalih tunggil ahli waris kengin tan polih pahan prade:
  - 1) Nilar kawitan lan sesananing Agama;
  - 2) Alpaka guru rupaka;
  - 3) Sentana rajeg kesah mawiwaha utawi pratisentana nyeburin, soang-soang kabawos ninggal kadaton.
- ra. Boya ahli waris kengin muponin hasil manut dudonan luwire :
  - 1) Sentana luh salami dereng kesah mawiwaha utawi tan alpaka guru, miwah prade madrebe pianak tan kasngkenin olih wong tua rare inucap, kengin ngawaris wantah pikolih pagunakaya sentana luh inucap kemawon;
  - 2) Balu luh wiadin muani nyeburin (soang-soang boya sentana);
  - 3) Mulih daha utawi taruna, riantukan ring pawiwahane pecak sampun kabawos ninggal kadaton.
- ka. Pawaris kengin maweweh rikala maurip pinaka jiwa dana, tadtadan/ bekel, makacihna paweweh tetep ring pianak sane kesah mawiwaha.

Pawos 67

- (1) Prade sajeronin pakulawargan wenten ahli waris langkungan ring adiri patut :
  - ha. kawentenang paigum indik pedum waris inucap;
  - na. yen tan prasida katunasang tatimbang ring Prajuru (kerta Desa);
  - ca. prade taler tan wenten cumpu ring panepas Kerta Desa, kengin katumusang ring sang Rumawos.
- (2) Prade karang inucap kaputungan, patut Prajuru/Dulu-dulu nibakang ring :
  - ha. sang sinanggeh ahli waris manut pawos 64;
  - na. sang kengin anggen sentana manut pawos 62 angka (2) miwah angka (3);
  - ca. prade taler tan wenten cumpu ring panepas Kerta Desa, kengin katumusang ring sang Rumawos.
- (3) Prade jantos karang Desa kaepah utawi kasepih, patut soang-soang nedunin makrama Desa marep.

SAT SARGAH

WICARA LAN PAMIDANDA

Palet 1

Indik Wicara

Pawos 68

- (1) Sane wenang mawosin makadi mutusang wicara ring Desa inggih punika Prajuru / Dulu Desa sinanggeh Kerta Desa.
- (2) Tata dudonan mawosin saha muputang wicara warga desa kadi ring sor :
  - ha. Kaping ajeng kabawosin olih Kelihan Banjar.
  - na. Tan cumpu ring panepas Kelihan Banjar, karerehang pamutus ring paruman banjar.
  - ca. Prade tan cumpu ring pamutus Banjar, katumusang ring Bendesa Adat lan Kerta Desa.
  - ra. Taler tan wenten cumpu ring pamutus Bendesa lan Kerta Desa katunasang ring Paruman Desa Adat.
- (3) Prade sang mawicara tan wenten cumpu ring pamutus paruman desa lan Kerta Desa, kengin nunasang wicara inucap ring sang Rumawos.

Pawos 69

- (1) Sahanan wicara mawiwit kacorahan saka luwire sinanggeh nungkasin daging Awig-awig, pararem miwah paswaran Desa/Banjar, Prajuru / Dulu patut digelis mawosin tan nyantos pasadok.
- (2) Sajaba wicara kadi ring ajeng patut nyantosang pasadok sang nunas bawos.
- (3) Panepase patut pastika nyantenang iwang pstut malarapan Tri Pramana ( saksi, ilikita, bukti ) miwah tan maren nepek ring Catur Dresta.

Palet 2

Indik Pamidanda

Pawos 70

- (1) Desa/Banjar wenang niwakang pamidanda ring warga Desa/Banjar sane sisip.
- (2) Paniwak inucap kalaksanayang olih Bendesa/Klian Banjar.
- (3) Bacakan pamidanda luwire :
  - (1) ha. ayahan panukun kasisipan;
  - na. danda arta;
  - ca. kanorayang;
  - ra. panyangaskara.

(4) Pamidanda.....

- (4) Pamidanda sane katiwakang patut masor singgih manut ring kasieipane.
- (5) Jinah utawi raja brana pamidanda ngeranjing dados druwen Desa/Banjar.

Pawos 71

- (1) Krama sane langkungan ring tigang paruman ngalantur tan nawur urunan miwah dadandan wenang karampag.
- (2) Rerampagan ngangge tata cara kadi ring sor :
- ha. Kalaksanayang olih Prajuru kasarengin olih Krama saakeha tigang diri maka saksi;
  - na. Sang ngarampag sangkanin darsana ngambil barang utawi nyawenin tanem tuwuh, akehnya manut ring utang sang karampag, sang karampag mangda lila nyukserahang barangnya sane dados wala;
  - ca. Prajuru/Dulu miteketang mangda barang-barang sane karampag digelis katebus, masenger awuku (7 rahina) ring kutus rahinane pacang kaadol;
  - ra. Tan nganinin saluwir barang sane patut inggilang manut Agama miwah tan mademang pangupa jiwa sang karampag.

Pawos 72

- (1) Prade sang pacang karampag ngawara (ngalangin) palaksanaan inucap mawastu sampun tan nganutin Awig-awig Desa wenang karang Desa sane kagenahin kadaut olih Desane.
- (2) Samaliha yen purun teler ngalangin palaksanaan kadi ring ajeng tan wenten pamargi sajawaning kasepekang olih Krama Desane.
- (3) Pamidanda inucap ring ajeng keni buntas risampun sang kakeninin :
- ha. nunas geng pangampura ring Krama Desa riantukan nguak pasubaya (pararem) pecak;
  - na. nawur pangargan panguak pasubayane duk pacang karampag kadulurin pamrayascitta panyapsap kaiwangane ring Desa.

SAPTAMA SARGAH

NGUWAH - NGUWUHIN AWIG - AWIG

Pawos 73

- (1) nguwah-nguwuhin Awig-awig Desa puniki kalaksanayang ring paruman Desa.
- (2) Awig-awig puniki kamargiang ngawit kaingkupin (kararemin).

Pawos 74

- (1) Sakaluwirin sane wenten saderengnya patut kaanutang ring sadaging Awig-awig puniki.
- (2) Sakaluwiring sane durung kabawos sajeroning Awig-awig puniki patut kalaksanayang manut tata cara sane sampun mamargi kadulurin antuk pararem-pararem.

ASTAMA SARGAH

SAMAPTA

Pawos 75

- (1) Awig-awig puniki kararemin olih Desa Adat Sebatu duk rahina Radite Purnamaning Sasih Kaenem isaka wara 1922 tanggal Masehi 10 Desember 2000 ring Wantilan Desa Adat Sebatu.
- (2) Awig-awig puniki kalingga tanganin olih Bendesa lan Prajuru Adat, kasarengin Klihan Banjar, saha kasaksinin olih Prajuru Dinas pinaka saksi.
- (3) Luwir sang ngalingga Tanganin :  
ha. Kaprathama Prajuru Adat :



1. Bendesa Adat

I WAYAN SUCITA

2. Panyarikan

I WAYAN PASEK YUSABAWA



3. Klihan Banjar

I MADE LANUS ARTAWAN

Klihan Banjar.....

na. Kaping kalih Prajuru Dinas pinaka saksi :

  
Kepala Dusun Sebatu  
KEC. TEGALLALANG  
KABUPATEN GIANYAR  
MADE LANUS ARTAWAN

  
Kepala Desa Sebatu  
KABUPATEN GIANYAR  
KECAMATAN TEGALLALANG  
MADE BUD WIRYAWAN


  
3. Camat TEGALLALANG  
KABUPATEN GIANYAR  
DREMI DEWA PUTU PARIWESA

Mengetahui dan telah dicatatkan

Pada tanggal : 20 Pebruari 2002  
Nomor : 4 Tahun 2002



BUPATI GIANYAR

  
TJOKORDA GDE BUDI SURYAWAN,SH.